



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Thomæ A Kempis Can. Reg. S. Augustini. De Imitatione Christi Libri Quatuor

Thomas <von Kempen>

Augustæ Vindel., 1772

Caput XL. Quod homo nihil boni ex se habet, & de nullo gloriari potest.

[urn:nbn:de:hbz:466:1-45780](https://nbn-resolving.org/urn:nbn:de:hbz:466:1-45780)

Non est ergo minimum, etiam in minimis seipsum relinquere.

3. Verus profectus hominis est abnegatio sui ipsius, & homo abnegatus, valde liber est, & securus.

Sed antiquus hostis, omnibus bonis adversans, a tentatione non cessat, sed diu noctuque graves molitur insidias, si forte in laqueum deceptionis possit præcipitare incautum.

*Vigilate & orate, dicit Dominus, ut non intretis in tentationem.*

#### CAPUT XL.

*Quod homo nihil boni ex se habet, & de nullo gloriari potest.*

*Domine, quid est homo, quod memor es ejus, aut filius hominis, quia visitas eum?*

Quid promeruit homo, ut dares illi gratiam tuam?

Domine, quid possum conqueri, si me deseris? aut quid juste obtendere possum, si quod peto, non feceris?

Cer-

Certe hoc in veritate cogitare  
possum, & dicere: Domine, nihil  
sum, nihil possum, nihil boni ex me  
habeo: sed in omnibus deficio, &  
ad nihil semper tendo.

Et nisi a te fuero adjutus, & in-  
terius informatus, totus efficior te-  
pidus & dissolutus.

2. Tu autem, Domine semper  
idem ipse es, & permanes in æter-  
num, semper bonus: justus & san-  
ctus; bene, juste, ac sancte agens  
omnia, & disponens in sapientia.

Sed ego, qui ad defectum sum  
magis pronus, quam ad profectum,  
non sum semper in uno statu perdu-  
rans; quia septem tempora mutan-  
tur super me.

Verumtamen cito melius fit, cum  
tibi placuerit, & manum porrexeris  
adjurricem, quia tu solus sine hu-  
mano suffragio poteris auxiliari, &  
in tantum confirmare, ut vultus meus  
amplius in diversa non mutetur, sed

in te uno cor meum convertatur & quiescat.

3. Unde, si bene scirem omnem humanam consolationem abiicere, siue propter devotionem adipiscendam, siue propter necessitatem, qua compellor te quærere, quia non est homo, qui me consoletur.

Tunc possem merito de gratia tua sperare, & de dono novæ consolationis exultare.

4. Gratias tibi, unde totum venit, quotiescumque mihi bene succedit.

Ego autem vanitas & nihilum ante te, inconstans homo & infirmus.

Unde ergo possum gloriari, aut cur appeto reputari?

Numquid de nihilo? & hoc vanissimum est.

Vere inanis gloria, mala pestis vanitas maxima: quia a vera trahit gloria, & cœlesti spoliat gratia.

Dum enim homo complacet sibi.

displicet tibi; dum inhiat laudibus humanis, privatur veris virtutibus.

5. Est autem vera gloria & exultatio sancta gloriari in te & non in se: gaudere in nomine tuo, non in propria virtute nec in aliqua creatura delectari, nisi propter te.

Laudetur nomen tuum, non meum, magnificetur opus tuum, non meum, benedicatur nomen sanctum tuum, nihil mihi autem attribuatur de laudibus hominum.

Tu gloria mea, tu exultatio cordis mei.

In te gloriabor & exultabo tota die; pro me autem nihil, nisi in infirmitatibus meis.

6. Quærant Judæi gloriam, quæ ab invicem est: ego hanc requiram, quæ a Deo solo est.

Omnis quidem gloria humana, omnis honor temporalis, omnis altitudo mundana, æternæ gloriæ tuæ comparata, vanitas est & stultitia.

O veritas mea, & misericordia

O 4 mea,

mea, Deus meus, Trinitas beata,  
tibi soli laus, honor, virtus, & glo-  
ria per infinita secula seculorum.

## CAPUT XLI.

*De contemptu omnis temporalis  
honoris.*

1. **F**ili, noli tibi attrahere, si videas  
alios honorari, & elevari, te  
autem despici & humiliari.

Erige cor tuum ad me in cœlum,  
& non contristabit te contemptus  
hominum in terris.

Si recte me inspicio, nunquam  
mihi facta est injuria ab aliqua crea-  
tura, unde nec juste habeo conque-  
ri adversum te.

2. Quia autem frequenter & gra-  
viter peccavi tibi, merito armatus  
contra me omnis creatura.

Mihi igitur juste debetur confusio,  
& contemptus; tibi autem laus, ho-  
nor, & gloria.

Et nisi ad hoc me præparavero,  
quod velim ab omni creatura despi-  
ci,